

朝邑縣志序



余讀朝邑志蓋將極天下之撰矣愆蓋繁而不能  
能詳賤而不能白亂而不知  
能理焉此安在於志邪  
夫志者記也記其風土

文獻之基乎與官乎是郡  
邑者可以備極其改革  
省見其疾苦景行其邑  
行察識其政治使天下  
為士大夫者讀之是以  
興為郡邑者讀之是以

以勸而已然非以誇靈跡  
之迹崇獎歸之細也而  
撰者之志每不皆若此  
焉且何以補也朝邑令  
陵川王為葭縣之明年  
以五泉韓子汝慶所撰

朝邑志刻成謂予宜序  
諸首予讀五泉子之志  
矣而歎焉曰嗟乎此吾  
五泉子之志也  
歟置如沿革與山川  
蹟官署諸事惟歸諸

志此天下之所通見而不  
能裁者斯予之所謂繁  
而不詳晦而不白亂而  
不理者矣今畢以及之  
矣名官所以志其官  
師之行事人物所以

備其嘉後之餘烈其怨  
猶有所遺而未盡也括  
之以雜記閑卷之隙凡  
川源改革之委文獻散  
失之舊皆倭陳而無憾  
矣使郡邑之志皆若此

其奚有不可也王君名  
道字純甫作如与能先  
事於此，可以激其反  
也  
正德己卯九月十八  
日己酉濟西山人康海  
序

朝邑縣志序

朝邑舊有志然不載高御史  
及劉烈女事二人者代不數  
人顧可弗錄邪非也竒異如  
程濟善終如周或寵任如楊  
恭迺畧而不書沮水入渭蓋

朝邑縣志

序二

數千歲近時迺徑入河川源  
改革此其大者而弗著後之  
人何考焉他可知矣縣尹陵  
川王君曰是志且不傳然烏  
可以但已邪迺以五泉韓子  
韓子於是乎編焉夫昔人之

為朝邑志也豈不自以為善  
哉然後之人迺有議而更之  
者豈非一人之見有時而窮  
邪今之志如斯也夫今人之  
見猶昔人也夫其繁簡取與  
之間其可議者吾不知其有

幾也後之君子各以其所見  
刪補而更正之猶今日焉斯  
為全志矣豈不善歟今志凡  
七篇

正德己卯二月六日五泉韓  
邦靖書

朝邑縣志目錄

一卷 凡四篇

總志第一

風俗第二

物產第三

田賦第四

二卷 凡三篇

名宦第五

人物第六

朝邑縣志

目錄

雜記第七

朝邑縣志目錄終

朝邑縣志卷一

總志第一

朝邑爲縣起自西魏以據朝坂故名朝邑古爲冀州之地殷周時爲芮國有大荔戎秦厲恭公伐大荔取其王城築高壘以臨晉國更名臨晉後晉奪河西之地乃以屬晉魏獻河西之地于秦乃復入秦漢爲臨晉縣隸左馮翊有河水祠有芮鄉晉亦爲臨晉縣又爲左馮翊治後魏分置南五泉縣隋置長春宮尋復爲朝邑縣唐亦爲朝邑縣有河水祠西海祠武德中析爲河濱縣又爲河西縣以隸河中朝邑縣志

卷之一

府大曆中復爲朝邑縣隸同州迄今因焉而以隸陝西西安府同州于天文爲參之分野東有太慶關又東至于河東爲蒲州蒲州者山西屬州也西有鐵廩山又西有高陽城又西至于干輿舖西爲同州北有長春宮又北有苦泉又北至于金水河北爲郃陽南有漆沮又南有太白池又南有麻子池又南至于渭南爲華陰西南有沙苑城又有九龍池戶凡八十二里成化末歲大饑民多餓死又多亾去乃更爲七十二里正德五年又去其七里今爲六十五里云縣先在西原上有相地者云城居高而左下法不利



知縣後其言稍稍驗乃更移置原下然無城景泰初知縣申閏築焉方三里有奇東門一西門二北無門南門一城中東偏爲縣衙縣衙南爲西安行府府南爲儒學文廟在焉儒學南爲按察分司西爲布政分司北爲城隍廟城隍廟北爲陰陽學及醫學倉凡三所一在縣一在學一在城西原上壇凡三所社稷壇在城西北山川壇在城南邑厲壇在城北草場二所一在城西一在山川壇東養濟院在城南教場在城東桑棗園在教場西滿澤園在山川壇南舖凡一十八所在城者一城西者二城東者三朝邑縣志

卷之一

二

城南者三城北者五西北者三社學凡三十所一在城一在柳村一在新市鎮一在趙渡鎮一在趙村一在南陽洪一在永興鎮一在太慶關一在白塚一在龍池一在龍門村一在白村一在辛城寨一在兩女鎮一在倉頭一在救駕莊一在許村一在顧現一在延壽一在王家莊一在八里莊一在泊子村一在嚴伯一在步昌一在苦泉鎮一在霸城一在小伏坡一在白池一在小村

太慶關在縣東三十里即古蒲津關今設巡檢司隸潼關一又蒲涼關局關東即黃河西岸岸去水不甚高然不溢

他處或高四五丈輟溢土人以爲鐵牛鎮河故不溢鐵牛者唐時鑄鐵爲牛置河兩岸岸各四牛各重數萬斤下爲鐵山尾施鐵軸以繫浮橋旁置鐵人以象繫牛宋嘉祐中河漲橋壞盡曳西岸牛於河元有僧懷丙者乃爲機法取牛河中已得三牛會有言取牛不難者丙怒棄去後人用其法取牛然牛竟不出今西岸止存三牛其一牛乃在河中始河漲時并壞岸元鐵判院仝僉條築焉西北爲大荔戎城卽王城左傳陰飴甥與秦伯盟於王城卽此地後改爲武鄉今廢唐文宗過蒲關詩云鍾鼓嚴更曙山河野望朝邑縣志

卷之一

三

通鳴鑿下蒲坂飛蓋入秦中地險關愈壯天平鎮尚雄春來津樹合月落戍樓空馬色分朝景鷄聲逐曉風所希常道泰非復候繻同

漆沮一名洛水自耀州同官縣來至朝邑東南三十里入渭成化中乃崩入河水北有新市鎮宋元置稅監又有饒益寺寺中舊有藏春塢貯古名賢石刻今不存獨殿壁上有宋賈叅諸人題名石金趙抃記曰左馬之東南踰三十里縣曰朝邑由縣之直南林木蒼鬱小徑縈紆約有十里有鎮曰新市鎮有寺曰饒益乃陝右之名藍也路當秦晉

要衝枕山河之形勢自唐宋以來名臣賢士經由徃返莫不脫駕接憇于此或題名于壁或留詩于碑不可勝數前後主僧慮歲漫滅悉勒之于石寺遭兵火焚毀殆盡如前人石刻徃徃埋没于頽垣遺墓之下抔承乏命領鎮事至此恨不及見饒益全盛之時實爲不足每暇日命童僕事銛築搜抉于荆榛瓦礫之間雖獲名公大臣之行記詩刻例皆斷折訛缺讀之令人悲惋卽其稍完者萃而置之于藏春塢壁冀後之游觀者興葺之不替然引覽環視必思其人焉時阜昌癸丑九月初一日東萊新市監趙抃記

朝邑縣志

卷之一

四

馬坊頭在縣西南十五里唐宋沙苑牧馬及上供牛羊皆置監于其地

沙苑城在馬坊頭西廣可數十里卽宇文泰敗高歡唐王重營敗邠寧朱旻處今歡所種柳不存低凹處乃多白楊太白池在馬坊頭西南三里池周迴可十餘里洞然深黑其上常有雲氣亦能致雨池中有大鱉嘗食飲馬人以爲神池北爲蓮池麻子池在太白池正北五里池迴長可二十里多蓮開花爛然映雲日池東南有安靖寺唐玄宗祀汾時駐蹕寺中今殿前有大栢樹懸宋崇寧中所鑄鍾九

龍池在縣西南二十五里池東有霸城寺寺東北有靈應觀仙人張三丰嘗憩觀中今爲道會司自九龍池東至于趙渡鎮漆沮經焉濱水皆種桃樹二三月時兩岸桃花紛然三十里不絕

長春宮在縣西北原上後周宇文護所築隋文帝置殿其上以瞰河華洛渭宮下花木四時茂盛如春故名長春唐高祖起兵大原西定長安休士於此東有金龍寺僧會司在焉西有元王由義墓南有唐嚴譔墓墓旁卽譔祠

苦泉在縣西北四十五里以飲羊不羶南有唐同州刺史朝邑縣志  
卷之一  
五  
姜師度通靈陂陂故澆田百餘頃今廢又南有元戈平章其社寨

金水河在苦泉東北五里自郃陽縣來舊嘗引水灌田今廢北爲夏陽卽韓信木罌渡處

### 風俗第二

語曰至治之極國無殊俗今

天子神靈海內一統烏有所謂異俗者哉然閭閻趨向節序往來嬉戲之間則有與他處異者秦民皆力農朝邑頗事買婚姻論財仕者尚廉有氣前輩盡然今少衰焉元曰

樹紙竿接天神以麻縛木炭置門上云吉利二日婿往拜婦家五日以故綵紙爲婦人戎夜乃出婦人送窮二十三  
日置煎餅屋上補天是日仍不得食米清明婦女盡出遊  
觀三日乃已不得舉女工云即舉之且首四月四日男女  
戴皂角葉已頭痛五月五日六月六日七月七日九月九  
日迎女之已嫁者臘月五日食五色煮豆豆者毒也食之  
已五毒

物產第三

朝邑無他奇產獨服食他處似有者不載載其炙者多  
朝邑縣志

卷之一

六

者果則瓜桃梨棗某則韭蒜藥則麻黃甘遂香附枸杞魚  
則魴鯉畜則羊服則木綿絲絲出南陽洪者斷則易續引  
之則長

田賦第四

朝邑土田凡二萬四千一百四十九頃三十四畝戶今一  
萬二千九十八戶軍二千三百八十七戶匠三百六戶雜  
役一百七十八戶餘俱民戶焉口凡六萬二千六百二十  
七口秋夏稅凡二萬七千五百石有奇草七千三百六十  
束有奇木綿三千八十三斤絲綿六斤有奇布九千七百

三十三疋絹一百八十二疋此其以田賦者其以丁賦者  
又有鹽鈔十有七萬六千八百四十貫貫准銀三釐黃丹  
二千斤斤准銀七分綿絹三十隻隻准銀六錢細辛一  
百三十斤斤准銀六分凡得銀五百一十六兩有奇又有  
石青大材木炸塊木柴黃熟銅山羊皮諸雜歲調多寡不  
同而力差不與焉弘治以前丁賦力差供歲足則止不派  
故能以三十六里更用而迭休之以後乃通取焉所以然  
者以用聽差者聽差者差已足無差而聽差也聽差者官  
盡收銀而貯之庫上戶丁九錢至七錢中戶丁六錢至四  
錢下戶丁三錢至一錢畸零者丁一錢于是無空民矣

朝邑縣志卷二

名宦第五

朝邑幅員不及二百里東有鹹灘西有鹽池四南有沙苑皆不可耕可耕者纔十分之二三耳而又界河渭滌沮三水者歲溢而善崩溢輟沒禾稼崩乃數十年不得田以故朝邑民獨貧少生業夫其和來安養獨在縣官耳縣官治績顯者洪武中則有縣丞卞禮宏建百規開先來者成化中則有知縣李英然英善修舉喜用民當其時聲名籍甚去之日民莫能思也弘治中則有知縣蘇槃廉謹不擾庶朝邑縣志

卷之二

八

幾良吏近時則有知縣衛傑菲惡自持取與峻潔他無錄焉若夫元氏以往其或治績莫考而名氏猶存苟非聞人碩士必其遺愛不忘用並書之以垂不朽而教諭翟方附焉

晉歐陽建字堅石渤海人爲朝邑尹

唐劉幽永

人爲朝邑尉

季邠

人爲朝邑尉

畢縣令名次莫考

元成好德顏英俱朝邑知縣

大明卞禮

人洪武中爲朝邑縣丞

李英河南祥符縣人成化中爲朝邑知縣陞去

蘇繁河南南陽縣人弘治中爲朝邑知縣罷去

衛傑山西夏縣人正德五年爲朝邑知縣致仕去

翟方山西榆次縣人成化中任儒學教諭善教朝邑科目  
成化中獨盛甲午科舉六人庚子科舉五人

人物第六

賢人長者懿德美行湮沒多矣豈不惜哉蓋弘治中沮水  
醫趙氏墓墓崩有石曰皇慶二年旌表孝子趙良

朝邑縣志

卷之二

九

漢籍少公嘗脫郭解于厄吏人踪跡至少公少公乃自殺  
以滅口

嚴譔唐則天時爲詳審使活死囚八百餘人罷疑獄百人  
又原不實者千餘姓譔善風角繼李淳風爲太史令占熒  
惑入輿鬼及諸張敗及諸陵墓事俱驗譔子向爲鳳翔尹  
有政聲

申屠思恭呂昂郭觚張元亨唐書云事親居喪著異行者  
元趙良孝子

王亨爲縣幕官亨孫由義至禮部侍郎歐陽玄王氏世德



序曰亨爲縣幕官持守端楷每與時尚同異遂棄去不仕由義爲徽政院都事能抑內侍節浮費爲御史累有獻替從幸上京抗章論衛士縱牧踐民田行營無敢犯者又與時相爭江西行省戰功至相震怒不爲動

大明高翔程濟楊景學馬仲昌洪武中俱以明經徵翔有文學節行爲監察御史

高皇帝甚眷注翔翔所論奏無不關國家機事當上心者革除間

文皇帝素聞翔召翔將大用之會翔服喪服入見語又忤

朝邑縣志

卷之二

十

旨乃殺翔族其家沒入其產諸給高氏產者皆倍其稅曰以世世怒罵御史也御史親戚皆配爲軍濟有法術爲四川岳池縣學教諭岳池去朝邑數千里濟寢食俱在朝邑而日治岳池學事不廢革除間上書言某月某日西北方兵起朝廷以爲非所宜言繫至京召入將殺之濟叩頭曰陛下幸囚臣期而無兵臣死未晚也遂繫濟詔獄已而兵果起乃赦出濟更以爲軍師護諸將北行與靖難軍先鋒戰于徐州大捷會曹國公師退

文皇帝至江上濟逃去不知所終始徐州捷時諸將乃樹

碑載戰伐次第及統軍者姓名濟一日夜往祭碑人莫測其故後

文皇帝過徐州望見碑顧左右曰碑者何也或以狀對上大怒趨左右椎碑一再擊遽曰止止爲我錄碑來乃按碑族諫諸將無得脫者濟姓名正用學處得免濟曩者之祭蓋禳之也楊景學縣丞馬仲昌大理寺左寺丞

李濟樊晃齋斌劉讓上志韓家君名馬驥王邕房瑄韓邦奇韓邦靖牛斗王朝塗俱登進士李濟官至左副都御史一統志云濟才敏學優歷官守法樊晃官至河南叅政先朝邑縣志

卷之二

十一

爲都給事中吏部擬晃戶部侍郎

英廟方嚮晃曰樊晃貴戶部邪可吏部侍郎無何

英廟晏駕乃不果用齋斌至通政管易州柴廠保定府志稱其廉謹自守劉讓至知府讓有氣先爲戶部主事監太倉與內臣爭席相惡乃謫東萊通判後爲永平府同知永平府志稱其剛斷韓家君名至福建按察司副使上志馬驥俱知縣王邕至郎中側儻任豪數有論奏房瑄至按察使瑄先爲郎中上疏論時政時人稱焉今家任丘韓邦奇至僉事韓邦靖至員外郎皆副使韓家君名子今俱以罪

譴爲民牛斗今養親王朝梁今依親韓邦靖曰弘治中教  
諭西蜀李君志朝邑其稱家君曰登進士仕至福建按察  
司副使居官有爲執法平恕閩人思之成化中爲刑部郎  
中

朝廷有大獄擇公正官鞠之僉推公初往真定再往大同  
由直允合

上心弘治初元上疏論時政多所允俞云

楊仲貞吳墳唐葵倫楊恭王翼趙整歸儒

李府王福馬駿  
王剛楊茂王孜

王恪安永周道張玘王禮翟溫王質楊禮趙衡靳能陳善

朝邑縣志

卷之二

十一

雷巖周易韓倫楊珪趙森劉偉靳時熙安才孟熊郭鼎張  
磬劉永張珣梁文盛雷爵李貞蕭鵬周瑄李夔仇昉于章  
雷霓楊煥楊友党爵東陽韓邦彥程範王朝雍雷子質孟  
填樊得仁俱鄉試舉人楊仲貞楊禮張磬仇昉俱至教授  
磬淳潔業尚書進士甚精吳墳府照磨唐葵倫王翼歸儒  
楊茂王禮靳能韓倫安才郭鼎李夔党爵俱知縣倫剛介  
有行鼎治曹縣曹縣志稱其吏人畏服楊恭至陝西左布  
政使

皇帝時恭謁選吏部言事稱旨即日召見

上以恭言事有才而見又容貌偉甚乃勅吏部與恭左布政使部尚書言左布政不缺員缺獨陝西恭不得往

上曰朱買臣獨不爲會稽邪恭笑不可陝西遂授恭恭頓首固辭

上曰吾知若辭布政矣顧陝西鄉里撓而法耳乃令恭得便宜治事而賜免死券十道又以子剛爲錦衣指揮始恭行時入謝知縣知縣不爲禮旣得選乃令從者不得言布政衣故破衣納憑券破囊中置驢上騎往見知縣知縣不知恭已得布政又爲陝西勞之曰楊進士甚勞苦所得何

朝邑縣志

卷之二

十三

官邪恭曰比知縣差大耳知縣素易恭聞恭言遂怒曰若言官大豈爲布政邪縱布政將如朝邑知縣何恭笑曰安知非布政邪且正能治朝邑耳乃徐徐出其囊中憑券乃陝西布政也一縣人盡驚知縣卒得罪去趙整至監察御史周道至僉事道中式時驛歸將渡渭一婦人從後呼之婦人曰君騎卒妾子也妾寡居待此子以生念其當渡渭故追視之耳道惻然舍騎步歸後爲御史征雲南夷總兵官餽貨實幾千金道却之又爲山西僉事有惠政卒于官喪出民遮道哭奠三日不得行李睿不仕王孜翟溫俱衛

經歷王恪都司斷事王質趙轟雷巖楊友俱教諭趙衡陳善劉永俱訓導楊珪至太僕寺丞珪喜修廉隅飾儀度尚退不干教授禮子劉偉至知府以厚德稱先爲文水文水刁悍劇縣偉不嚴而治梁文盛蕭鳴至知州雷奇張珣至府同知李貞周瑄雷霓子章俱至通判爵珣俱純篤廉謹至老不踰珣先爲通判時吏部舉天下廉有司二十人珣與焉時人榮之楊煥韓邦彥今任知縣邦彥副使韓家君名子王朝雍雷子質程範樊得仁孟填今舉進士朝雍郎中卞子範縣丞珪子餘未仕卒靳時熙知縣能子

朝邑縣志

卷之二

古

喬誠許清黃秀孟濟張亨張璟秦禮席慶仇約石秀李珣薛義李慕馬恭張翼党聰李敬李時楊濬楊寶孟震王臣趙璞馬賢唐通馬克韓威上忠楊銘周瓚王瑾劉紹翟祥暢廣程珏吳珣張輔李聰王純翟景陽王訥馬因呂聰王銳孟奎尚貴馬輅俱歲貢喬誠至山西叅政一統志云誠處心忠信措事寬平許清至知州黃秀孟濟秦禮石秀張翼楊濬王瑾暢廣俱知縣張亨王臣俱判官張璟楊銘李珣薛義趙璞唐通韓威周瓚俱訓導馬恭程珏李時上忠劉紹俱縣丞紹知府讓子党聰李敬俱衛經歷楊寶州同

知馬賢府照磨馬因州吏日餘不仕卒

蔚能吏員至光祿寺卿禮部右侍郎能有廉操歷官不營產業卒賜諭祭

蔚遲閩王式賈訥仇名善俱洪武中以人材徵閩至通判王式賈訥至知府仇名善至知縣

周或洪武中上書求仕進

上召與語大悅乃授觀察使或舉劾無所避于是百僚皆畏觀察使俄遷吏科給事中同

東宮治秦邸獄歸乃陞通政使以讒下獄籍其家得衣一

朝邑縣志

卷之二

五

襲俸米數升

上召問曰通政官尋祿厚何大貧邪或叩頭曰臣以草莽待罪九卿自知無功能不稱任使所得俸不敢盡受皆歸之官耳已而通政司乃上或所歸俸金

上知其枉赦之因賜錦衣二襲寶鈔若干或沒

上嘆曰周或難得朕用之不盡其才也

劉偉田隆王朝聖蘇民望皆親喪廬墓三年偉仕監察御史璽望今納銀爲監生

嗚呼節義人之大閑也豈非人之自立于世者歟吾觀世

之達人通士號稱知道翩翩然以自異于世夫其日日稱說仁義不離口其自負豈在婦人女子下哉然竊觀其所以不逮遠矣吾邑有劉烈女者龍門村人女也成化中父母許婚楊氏楊氏子死女乃素服涕泣不食將臨其夫喪家人咸非笑之有舉人偉者女族兄也女往質焉偉曰汝所爲誠是柰世俗何女曰吾所爲求是而已矣奚以世俗爲然家人竟止女不得往臨其夫喪女乃自縊死嗚呼斯人者蓋所謂建諸天地而不悖質諸鬼神而無疑百世以俟聖人而不惑者也嗚呼烈矣節婦則蔚太淑人薛氏韓朝邑縣志

卷之二

去

太宜人張氏馬宅妻王氏張三妻師氏王亨妻靳氏韓迪妻楊氏楊質妻張氏韓繼宗妻雷氏

雜記第七

漢莊熊罷言臨晉民願穿洛以溉重泉以東萬餘頃使鹵地誠得水可令畝收十石于是發卒萬餘人穿渠引洛水至商顏下

唐太宗貞觀四年駕幸塩池經朝邑賜朝邑民今年租

田

國朝正德庚午朝邑民周雄言朝邑縣東北故有鹹灘萬餘畝近年河水淤漫頗堪耕種當同常田徵稅巡按御史

王廷相議曰朝邑鹹田雖暫堪耕種難保將來若便同常田徵稅將貽禍無窮乃不徵今鹹田果不可耕如御史議云

正德戊寅朝邑民張某言朝邑太陽諸里民田圯于河幾萬餘畝乞議處田稅巡撫都御史鄭公移縣視狀知縣陵川王君請曰誠如民某言所圯田稅宜從輕額都御史可其議于是田以糶拆布者凡若干畝

關中南有肴函之國北有蕭榆之塞西阻棧道東據黃河古稱四塞之地故曰秦得百二焉然河自夏陽而北兩岸朝邑縣志 卷之二 七  
山嶺峻複不可以師夏陽而南經朝邑至潼關凡百里率平曠易渡故漢祖往來關中嘗由臨晉而七國謀反亦欲由臨晉入兵是朝邑者關中之隙道也故一方不戒三險俱失矣

正德己卯知縣陵川王君言朝邑爲山陝要衝與蒲華等然朝邑獨無驛所又近時河南應驛者率避潼關而之朝邑遂爲三省之漕朝邑民不任供送于是巡撫都御史鄭公下其事乃以郟陽馬騾二十夫百人澄城馬騾十有五夫八十人協濟朝邑



朝邑縣志後序

右朝邑志七篇工部員外  
五永韓汝慶之所編也紀  
錄質實而文彩煥炳可  
誦其傳人物說寫翔程  
濟及烈女劉氏事婉手若

覩其人真足以塵頑而立  
懦不可謂無筆力也而  
稌記一篇又多政事利害  
所關以示後之為朝邑者  
何惑焉其餘五篇事雖  
不異他志而紀例亦自殊

稱爲簡確之編信矣然  
則陵川王君純甫知是是  
而刻此編人雖曰不良於政  
則吾不信也

正德己卯秋七月廿二日

賜進士及第翰林院脩撰

儒林郎同修

國史經筵講官高陵呂柝  
書

朝邑縣志跋

道始至蒲臨河而西望朝邑  
卽壯其山河之美比入境左  
唐關右隋宮盡覽其古跡之  
勝比入廓閭里輝華後先掩  
映則又嘆其人物之秀且盛

而果非他邑比也顧其邑志  
繁蕪汙穢不足以彰往而詔  
來道乃請諸五泉韓先生作  
此新志焉其視舊志雖省三  
之二然而爬羅剔抉昭昭乎  
可激勸于人者不啻加千百

也既而又得對山康先生涇  
野呂先生序諸前後則斯志  
也滋可傳諸木以爲斯邑實  
籍矣若夫企先賢而思齊覩  
名宦而思政慨風俗而思易  
移觀利病而思興革則又後  
昔

正德己卯九月吉日知朝邑  
縣事山西陵川王道跋

